

ԸՆՏԱՆԻՔՈՒՄ 3-ՐԴ ԵՎ ՅՈՒՐԱՔԱՆՉՅՈՒՐ ՀԱՋՈՐԴ  
ՆՈՐ ԾՆՎԱԾ ԵՐԵԽԱՅԻ ԾՆՆԴՅԱՆ ԿԱՊԱԿՑՈՒԹՅԱՄԲ ՏՐՎՈՂ  
ԱՄՍԱԿԱՆ 50.000 ԴՐԱՄ ԴՐԱՄԱԿԱՆ ԱՋԱԿՑՈՒԹՅՈՒՆ  
(ԵԹԵ ԵՐԵԽԱՅԻ ԾՆՈՂՆԵՐԻՑ ՄԵԿԸ ՀՀ ՔԱՂԱՔԱՅԻ Է)

Հրապարակվում է ՀՀ-ում Նիդերլանդների Թագավորության դեսպանատան ֆինանսական աջակցությամբ իրականացվող՝ «Լեոնային Ղարաբաղից բռնի տեղահանված անձանց իրավական իրազեկման և կարողությունների հզորացման» ծրագրի շրջանակներում:

ԵՐԵՎԱՆ 2024

## ԲՈՎԱՆԴԱԿՈՒԹՅՈՒՆ

ԸՆՏԱՆԻՔՈՒՄ 3-րդ ԵՎ ՅՈՒՐԱՔԱՆՉՅՈՒՐ ՀԱՋՈՐԴ ՆՈՐ ԾՆՎԱԾ ԵՐԵԽԱՅԻ ԾՆՆԴՅԱՆ ԿԱՊԱԿՅՈՒԹՅԱՄԲ ՏՐԿՈՂ ԱՄՍԱԿԱՆ 50.000 ԴՐԱՄ ԴՐԱՄԱԿԱՆ ԱՋԱԿՅՈՒԹՅՈՒՆ (ԼՂ ԲՈՒՆԻ ՏԵՂԱՆՀԱՆՎԱԾ ԱՆՁԻՆՔ ՍՈՒՅՆ ԱՋԱԿՅՈՒԹՅՈՒՆԻՑ ԿԱՐՈՂ ԵՆ ՕԳՏՎԵԼ, ԵԹԵ ԾՆՈՂՆԵՐԻՑ ՄԵԿԸ ՀՀ ՔԱՂԱՔԱՑԻ Է)

Ա. Իրավական հիմքը.....	2
Բ. Կարգավորման առարկան և նպատակը.....	2
Գ. Գործողության ժամկետը.....	3
Դ. Կիրառվող հասկացությունները.....	3
Ե. Դրամական աջակցության չափը .....	4
Զ. Տրամադրման պայմանները.....	4
Է. Տրամադրման կարգը .....	5
Ը. Դրամական աջակցության դադարեցումը.....	7

**ԸՆՏԱՆԻՔՈՒՄ 3-ՐԴ ԵՎ ՑՈՒՐԱՔԱՆՉՑՈՒՐ ՀԱՋՈՐԴ ՆՈՐ  
ԾՆՎԱԾ ԵՐԵԽԱՅԻ ԾՆՆԴՅԱՆ ԿԱՂԱԿՑՈՒԹՅԱՄԲ  
ՏՐՎՈՂ ԱՄՍԱԿԱՆ 50.000 ԴՐԱՄ ԴՐԱՄԱԿԱՆ  
ԱՋԱԿՑՈՒԹՅՈՒՆ  
(ԵԹԵ ԵՐԵԽԱՅԻ ԾՆՈՂՆԵՐԻՑ ՄԵԿԸ ՀՀ ՔԱՂԱՔԱՅԻ Է)**

**Ա. Իրավական հիմքը.**

ՀՀ կառավարության՝ «Ընտանիքում 3-րդ և յուրաքանչյուր հաջորդ նոր ծնված երեխայի ծննդյան կապակցությամբ դրամական աջակցություն նշանակելու և վճարելու կարգը հաստատելու մասին» 2021 թվականի դեկտեմբերի 23-ի N 2169-Լ որոշումը:

**Բ. Կարգավորման առարկան և նպատակը.**

Ժողովրդագրական իրավիճակի բարելավման նպատակով հիշատակված որոշմամբ կարգավորվում են ընտանիքում 3-րդ և յուրաքանչյուր հաջորդ նոր ծնված երեխայի ծննդյան կապակցությամբ *մինչև երեխայի 6 տարեկանը լրանալու ամիսը ներառյալ ամսական 50.000 դրամի չափով*, դրամական աջակցություն (այսուհետ՝ դրամական աջակցություն) նշանակելուն և վճարելուն առնչվող հարաբերությունները:

## Գ. Գործողության ժամկետը.

Դրամական սույն աջակցությունը ժամանակավոր է և տարածվում է այն դեպքերի վրա, երբ երեխան ծնվել է 2022 թվականի հունվարի 1-ին կամ դրանից հետո՝ մինչև 2025 թվականի դեկտեմբերի 31-ը ներառյալ:

## Դ. Կիրառվող հասկացությունները.

Սույն դրամական աջակցության նշանակելուն և վճարելուն առնչվող հարաբերությունների շրջանակներում կիրառվող հասկացություններն ունեն հետևյալ իմաստը.

1) **շահառու երեխա**՝ ընտանիքում 3-րդ և յուրաքանչյուր հաջորդ նոր ծնված երեխա, **ով հաշվառված է** Հայաստանի Հանրապետությունում բնակության վայրի հասցեով.

2) **ծնող**՝ շահառու երեխայի ծնող կամ որդեգրող, **ով հանդիսանում է Հայաստանի Հանրապետության քաղաքացի և ում անունից ներկայացվել է դրամական աջակցություն նշանակելու դիմումը.**

3) **երեխա**՝ շահառու երեխայի ծնողից սերված երեխա.

4) **գավակ**՝ շահառու երեխայի ծնողից սերված չափահաս անձ.

5) **դիմող**՝ դրամական աջակցություն նշանակելու և վճարելու դիմում ներկայացրած անձ.

6) **տարածքային բաժին՝** Հայաստանի Հանրապետության աշխատանքի և սոցիալական հարցերի նախարարության միասնական սոցիալական ծառայության (այսուհետ՝ ծառայություն) համապատասխան ստորաբաժանում.

Այսինքն՝ սույն դրամական աջակցությունից ԼՂ բռնի տեղահանված անձը կարող է օգտվել այն դեպքում, երբ

- ընտանիքում ծնվել է 3-րդ և յուրաքանչյուր հաջորդ նոր ծնված երեխա, ով հաշվառված է Հայաստանի Հանրապետությունում բնակության վայրի հասցեով,
- որի ծնողներից մեկը ՀՀ քաղաքացի է, և ում անունից ներկայացվել է դրամական աջակցություն նշանակելու դիմումը

### Ե. Դրամական աջակցության չափը

Դրամական աջակցությունը տրամադրվում է ամսական 50.000 դրամի չափով, *մինչև երեխայի 6 տարեկանը լրանալու ամիսը ներառյալ:*

### Զ. Տրամադրման պայմանները.

Դրամական աջակցությունը նշանակվում և վճարվում է (շահառու երեխայի համար ծնողը ձեռք է բերում դրամական

աջակցություն ստանալու իրավունք) յուրաքանչյուր շահառու երեխայի համար, եթե դիմելու օրվա դրությամբ ծնողը, շահառու երեխայի կարգաթիվը որոշելու համար հաշվի առնված երեխաները և զավակները, ինչպես նաև շահառու երեխան, **Հայաստանի Հանրապետության բնակչության պետական ռեգիստրում հաշվառված են Հայաստանի Հանրապետությունում բնակության վայրի հասցեով** (բացառությամբ ռազմական ուսումնական հաստատությունում սովորող անձի, պարտադիր զինվորական ծառայության զորակոչված կամ ազատագրվման վայրում պատիժը կրող անձի) և դիմելու **օրվա դրությամբ ծնողը և շահառու երեխան գտնվում են Հայաստանի Հանրապետությունում:**

## **Է. Տրամադրման կարգը**

Դրամական աջակցություն նշանակելու համար ծնողն անձամբ կամ այլ անձի՝ դիմողի միջոցով տարածքային բաժին է ներկայացնում՝

1) դիմում, որում ներառվում են՝

ա. դիմողի անունը, ազգանունը, անձը հաստատող փաստաթղթի սերիան և համարը, ծնողի (եթե դիմողը ծնողը չէ) անունը, ազգանունը, անձը հաստատող փաստաթղթի սերիան և համարը, հանրային ծառայությունների համարանիշը, հանրային ծառայությունների համարանիշ չստանալու մասին տեղեկանքի համարը, եթե ծնողը հրաժարվել է հանրային ծառայությունների համարանիշ ստանալուց, ծնողի բնակության (հաշվառման) վայրի հասցեն, ծնողի էլեկտրոնային փոստի հասցեն և հեռախոսահամարը,

բ. շահառու երեխայի անունը, ազգանունը, ծննդյան օրը, ամիսը, տարեթիվը, ծննդյան վկայականի սերիան և համարը, բնակության (հաշվառման) վայրի հասցեն, հանրային ծառայությունների համարանիշը (հանրային ծառայությունների համարանիշ չստանալու մասին տեղեկանքի համարը, եթե ծնողը հրաժարվել է երեխայի հանրային ծառայությունների համարանիշ ստանալուց),

գ. շահառու երեխայի կարգաթիվը որոշելու համար հաշվի առնվող երեխայի (զավակի) անունը, ազգանունը, ծննդյան օրը, ամիսը, տարեթիվը, ծննդյան վկայականի սերիան և համարը, ծննդյան վկայականը հատկացնելու օրը, ամիսը, տարեթիվը, ծննդյան վկայականը հատկացնող մարմնի տվյալները՝ ըստ ծննդյան վկայականի, հանրային ծառայությունների համարանիշը (հանրային ծառայությունների համարանիշ չստանալու մասին տեղեկանքի համարը, եթե ծնողը (չափահաս լինելու դեպքում՝ զավակը) հրաժարվել է երեխայի հանրային ծառայությունների համարանիշ ստանալուց),

դ. այն բանկի անվանումը, որտեղից ծնողը ցանկանում է ստանալ դրամական աջակցության գումարը,

ե. նշում այն մասին, որ դիմողը տեղեկացված է բանկ ներկայանալու և բանկի հետ համապատասխան բանկային հաշվի պայմանագիր կնքելու անհրաժեշտության, ինչպես նաև տարեկան մեկ անգամ՝ ոչ ուշ, քան վերջին անգամ բանկ ներկայանալու ամսվան հաջորդող 12-րդ ամսվա վերջին աշխատանքային օրը, իր՝ Հայաստանի Հանրապետությունում լինելը բանկին հավաստելու պարտավորության մասին.

**Առցանց ներկայացված դիմումի հիման վրա դրամական աջակցությունը նշանակելու (վճարելու) համար դիմողը**

online.ssa.am կայքէջից մուտք է գործում առցանց տվյալները ներկայացնելու ծրագրային միջավայր՝ հետևելով համապատասխան հրահանգներին:

### **Ը. Դրամական աջակցության դադարեցումը.**

Դրամական աջակցություն ստանալու իրավունքը դադարում է՝

- 1) շահառու երեխայի 6 տարեկանը լրանալու դեպքում.
- 2) Հայաստանի Հանրապետության բնակչության պետական ռեգիստրում առկա տվյալների համաձայն՝ շահառու երեխայի կամ ծնողի հաշվառումից դուրս գալու դեպքում.  
*(Շահառու երեխայի կամ ծնողի կրկին Հայաստանի Հանրապետության բնակչության վայրի հասցեով հաշվառվելու և գրավոր դիմելու դեպքում կարող է վերականգնվել)*
- 3) Հայաստանի Հանրապետության բնակչության պետական ռեգիստրում առկա տվյալների համաձայն՝ շահառու երեխայի կամ ծնողի օտարերկրյա պետության բնակչության վայրի հասցեով հաշվառվելու դեպքում.
- 4) **ծնողի՝ Հայաստանի Հանրապետության քաղաքացիությունը դադարելու դեպքում.**
- 5) ծնողին 6 ամիս անընդմեջ դրամական աջակցությունը չվճարելու դեպքում *(կարող է վերականգնվել գրավոր դիմելու դեպքում)*.
- 6) շահառու երեխայի՝ Հայաստանի Հանրապետությունից անընդմեջ 6 ամսից ավելի ժամկետով բացակայելու դեպքում *(կարող է վերականգնվել շահառու երեխայի՝ Հայաստանի Հանրապետություն վերադառնալու և ծնողի գրավոր դիմելու դեպքում)*.
- 7) շահառու երեխայի կամ ծնողի մահվան դեպքերում *(կարող է վերականգնել ծնողի մահվան ամսվան հաջորդող*

6 ամսվա ընթացքում մյուս ծնողի կողմից գրավոր դիմելու դեպքում)։

8) շահառու երեխային կամ նրա կարգաթիվը որոշելիս հաշվի առնվող երեխային բնակչության սոցիալական պաշտպանության կազմակերպությունում (մանկատանը, բացառությամբ մասնագիտացված մանկատանը) տեղավորելու, շահառու երեխայի որդեգրվելու կամ առանց ծնողական խնամքի մնացած երեխայի կարգավիճակ ձեռք բերելու դեպքում, եթե դրա արդյունքում շահառու երեխայի կարգաթիվը նվազելով դառնում է 3-ից փոքր։

9) դրամական աջակցություն ստանալու իրավունքը դադարեցնելու մասին նոտարական կարգով վավերացված հայտարարությունը տարածքային բաժին ներկայացնելու կամ այդ գրավոր հայտարարությունը տարածքային բաժնում տալու դեպքում *(կարող է վերականգնվել մյուս ծնողի գրավոր դիմումի հիման վրա, եթե դիմող ծնողը դիմում ներկայացնելու օրվա դրությամբ բավարարում համապատասխան պայմաններին)*։

10) անձին սույն կարգի խախտմամբ դրամական աջակցություն նշանակված լինելու դեպքում։

Դրամական աջակցության **վճարումը դադարեցվում է՝**

1) ծնողի՝ դրամական աջակցություն ստանալու իրավունքը դադարելու դեպքում՝ դրամական աջակցություն ստանալու իրավունքը դադարելու օրվանից։

2) համապատասխան հայտարարությունը չստորագրելու (բանկ չներկայանալու կամ Հայաստանի Հանրապետությունում լինելը բանկի կամ տարածքային բաժնի կողմից չհաստատվելու) դեպքում՝ սահմանված 12-ամսյա ժամկետը լրանալու ամսին հաջորդող ամսվա 1-ից։

